

PI/SPS Ilinniartut- ineqarfiillu allaffeqarfiannut

Kontorfuldmægtigimik pissarsiorpoq

PI/SPS Perorsaanermik Ilinniarfik ilinniartut- ineqarfiillu allaffeqarfiannut sullissinermik nuannarisalimmik kontorfuldmægtigissarsiorput. Atorfik Ilulissaniippoq, Ilulissat Kangerluanni UNESCOp nunarsuarmioqatigiinnut kingornussassarititaani, Kalaallit Nunaanni perorsaanermut ilinniarfiup kisiartaasup ataani suleqataassaati.

PI/SPS pillugu

Perorsaanermut Ilinniarfiup Kalaallit Nunaat tamakkerlugu perorsaasunngorniat, perorsaanermi assistentit, perorsaanermi ikiortit ulluuneranilu paaqqinnittarfinni ikiortit ilinniartittarpaat. Perorsaanerup iluani pikkorissarnerit ilinniaqqinnerillu neqeroorutigisarpavut, suliaqarfimmilu ineriartoqqinnissamut isumassarsiornissaannik ikiortarlugit. Ilinniagaqarfinnut assigiinngitsunut ilinniartut 300 sinneqartut aammalu ilinniarsimasunut ilinniarsimanngitsunullu siammasissumik pikkorissarnissamut neqerooruteqarnissamut Kalaallit Nunaanni ilinniarfeqarfinni qitiusutut inissisimavugut. Perorsaanermik Ilinniarfik 45 missaanniittunik sulisoqarpoq, taakkunannga ilinniartitsisut 20 missaanniillutik.

Pingaamertut suliassat:

- Allaffissornikkut ilinniartunut siunnersuineq
- Ilinniartut- ineqarfiinullu allaffissorneq
- Attaveqatigiinneq, Oqarasuaammik paarsineq saaffiginnittarfimmiinnerlu
- Allaffissornermi suliassat nalinginnaasut; allattuineq, kopeerineq, ilinniartunillu ineqartut allattorsimaffiani systemini assigiinngitsuni aaqqissuineq allattuinerlu.
- Matuersaatinik saltosunik atortunillu isumaginninneq
- Kalallisut qallunaatillu nutserinerit annikitsut

Ujartorparput

Kontorfuldtig ujartugarput tassaavoq:

- Allaffissornikkut tulluuttumik misilittagalik
- Atuisutut IT-mik ilisimasaqarluartoq
- Aalajaatsoq, peqqissaartoq namminersorlunilu sulisinnaasoq
- Ulapaarfimmi eqqissisimasinnaasoq, suliassanillu arlalinnik ataatsikkut suliaqarsinnaasoq
- Kiffartuussilluarsinnaasoq, allaffissornikkullu suliassanik assigiinngisitaartunik suliaqarnissamut aalajaatsoq
- Marluinnik oqaasilik – kalaallisut qallunaatullu
- Suleqatikkuminartoq ilinniartunik, pikkorissartussanik suleqatigisallu avataaneersut pitsaasumik sullissisoq.

Qinnuteqarnissamut ingerlaasissaq

Qinnuteqaat, CV pappilissallu allat pisariaqartut onlinekkut qinnuteqarnikkut 3. september 2026 nallertinnagu nassiunneqassapput. Atorfiniffissaq **1. november 2026**, isumaqatigiissuteqarnikkulluunnit siusinnerusukkut.

Inuk attaveqarfissaq:

Apeqqtissaqaruit ilinniartunut- ineqarfinnullu allaffiup suleqatigiissunut aqutsisuat Ellen Eisner Mathæussen attavigineqarsinnaavoq.

Aningaasarsiatigut atorfinitsitaanermilu atugassarititaasut

Akissarsiat atorfininnermilu atugassarititaasut, tassunga ilanngullugit atorfinitsitaanermi soraarnermilu angalanissamut akiliunneqarnissamut pisattallu nassiunneqarnerannut Kalaallit Nunaanni Namminersorlutik Oqartussat kattuffiullu isumaqatiginniarsinnaatitaasup attuumassuteqarfigisap akornanni isumaqatigiissutaasut

atorfininnerup nalaani atuuttut naapertorlugit ingerlanneqassapput.

Qinnuteqartoq uppersaataitalinnik piginnaasalik immikkut siunnersortitut, siunnersortit pisortaatusiunnersortaanertulluunniit isumaqatigiissutit naapertorlugit atorfinitsinneqarsinnaasarpog.

Najugaq

Atorfimmut atatillugu malittarisassat qaqugukkulluunniit atuuttut naapertorlugit sulisunut inissiamik pequsersorsimanngitsumik innersuussisoqarsinnaavoq. Inissamik innersuussisoqarsinnaanngilaq, pineqartoq atorfimmut atatillugu ineqareersuuppat, imaluunniit ineqarsimappat kommunep inaataanik Namminersorlutillu oqartussalluunniit inaataanik. Malittarisassat qaqugukkulluunniit atuuttut naapertorlugit inissiamut innersuussutigineqartumut akiliutit qularnaveeqqutillu akilernerqassapput. Atorfimmut atatillugu ini atorfeqarnermut tunngavoq atorfeqarnerullu unitsinnerani qimanneqassalluni.

Ineqarnermut akiliut aamma inissiap pitsaassusaa nikerarsinnaapput inissiap qanga sananeqarsimanera, piginnittua il.il apeqqutaallutik. Sulisutut ataavartumik initaarnissaq utaqqinarsinnaavoq, taamaattumik utaqqiisaagallartumik inissiisoqarsinnaasarpog, tassunga ilanngullugu najugaqatigiiffinnut minnerusunut imaluunniit akunnittarfimmi inissianut inissiisoqarallarsinnaalluni, taakkulu akileraarusersorneqassallutik. Sulisunut inissiani utaqqiisaasumiklluunniit inigisani angisuunik uummasuuteqarsinnaaneq soorlu qimmeqarsinnaaneq qitsuuteqarsinnaanerluunniit periarfissaqanngilaq

Qinnuteqaatit, CV, ilinniarsimasanut pikkorissaatigisimasanullu uppersaatait kiisalu paasissutissat allat pisariaqarsinnaasut "qinnuteqaat nassiuguk" toorlugu nassiutikkat. *E-mail-ikkut qinnuteqaatinik tigusineq ajorpugut.*